

Pigisanit pissarsiat ilaasa akileraaruserneqartarnerat pillugu Inatsisartut inatsisaannik Namminersorlutik Oqartussat nalunaarutaat

Matumuuna nalunaarutigineqarpoq pigisanit pissarsiat ilaasa akileraaruserneqartarnerat pillugu Inatsisartut inatsisaat nr. 37, 28.novemberi 2017-meersoq aamma Inatsisartut inatsisaat nr. 25, 23.novemberi 2018-imeersoq aamma Inatsisartut inatsisaat nr. 13, 19.novemberi 2020-meersoq malillugit allanngutai ilanngullugit, matumuuna nalunaarutigineqarpoq.

Akileraartussaataitaneq

§ 1. Soraarnerussutisiaqarsinnaatitaasut aningaasarsianit akileraarutit pillugit Inatsisartut inatsisaanni (aningaasarsianit akileraarutit pillugit inatsimmi) § 1, imm. 1, nr. 1 imaluunniit 2, imaluunniit imm. 2 naapertorlugu akileraartussaataitaasut, aammalu marloqiusamik akileraartannginnissamik isumaqatigiisummi aalajangersakkat naapertorlugit naalagaaffimmi takornartami, Danmarkimi imaluunniit Savalimmiuni angerlarsimaffeqartutut isigineqanngitsut, inuunermut sillimmasiissutinit aamma soraarnerussutisiaqarnissamut aaqqissuussinerit, aningaasarsianit akileraarutit pillugit inatsimmi § 39 a, imm. 1-imi 2-milu imaluunniit § 39 c, imm. 1-imi aamma imm. 2-mi piumasaqaatinik naammassinnittunit, kiisalu soraarnerussutisianut aaqqissuussinerit soraarnerussutisianut aningaasaateqarfirmi Danmarkimi angerlarsimaffeqartumi pilersinneqarsimappata, soraarnerussutisianik akileraarusiisarneq pillugu danskit inatsisaanni § 53 A-mi pineqartunut ilaasuni pissarsianit akileraarutininik, Inatsisartut inatsisaat manna malillugu akiliissapput.

Imm. 2. Soraarnerussutisiaqarsinnaatitaasoq toqukkut qimaguppat akileraartussaataitaneq unissaaq.

Akileraarusiinermut tunngaviit

§ 2. Iluanaarutit akileraarusigassat nunatta karsianut 15,3 procentimik akileraaruserneqassapput.

Imm. 2. Akileraarusiinermut tunngaviusut tassaapput ukiumi aningaasarsiaqarfiusumi iluanaarutit. Ukioq aningaasarsiaqarfiusoq tassaavoq qaammatisiutit malillugit ukioq ataaseq.

Soraarnerussutisiaqarsinnaatitaasut soraarnerussutisiaqalersinnaanermut aaqqissuussineri ataatsimi arlaliuppata iluanaarutit naatsorsorneqartut akileraaruserneqartussat pineqartut akornanni ukiup aningaasarsiaqarfiusup naanerani aaqqissuussineri uninngasuutaannut naleqqiussilluni agguarneqassapput.

Imm. 3. Ukiumi aningaasarsiaqarfiusumi akileraaruteqartussaataitanerup aallartiffiani imaluunniit uniffianit, taava ukioq aningaasarsiaqarfiusoq tassaassaaq qaammatisiutit malillugit ukioq

anigaasarsiaqarfusup ilaa akileraaruteqartussaanerup atuuffigisimasaa.

§ 3. Iluanaarutit akileraaruserneqartussaamat imatut naatsorsorneqassapput illuatungaani ukiup anigaasarsiaqarfusup naanerani aaqqissuussinerup aningaasatigut nalingata taakkununga ilanngullugit ukiup ingerlanerani tunniunneqartut, illuatungaagullu aaqqissuussinerup aningaasatigut ukiup anigaasarsior usup aallartinnerani nalingata taakkununga ilanngullugit ukiup ingerlanerani akileneqartut taakku assigiinngissutaat. Akileraaruserifik aningaasatigut nalinganik missingiilluni aalajangersaasinnaavoq, imaappat soraarnerussutisiaqarsinnaatitaasup aalajangersakkami matuma maleruqqusat tunngavigalugit aningaasatigut nalinga naatsorsorsimanagu.

Imm. 2. Akileraarut Inatsisartut Inatsisaat manna naapertorlugu naalagaafimmut allamut, Danmarkimut Savalimmiunulluunniit akileneqarsimasooq anigaasarsianit akileraartarnermut inatsimmi § 69 naapertorlugu ilanngaatineqarsinnaavoq.

Imm. 3. Ukiumi anigaasarsiaqarfusumi iluanaarutaasussaagaluq annaasanngorsimappat, taava taanna ukiumi anigaasarsiaqarfusumi tassani ilanngaataasinnaavoq, soorluttaaq aamma iluanaarutaasut aaqqissuussinermit tassanerpiaq ukiuni tulluuttuni 10-ni. Annaasaqaatit ukiumut allamut aatsaat nuutsinneqarsinnaasassapput annaasaqaat ukiumi anigaasarsiaqarfusumi siullermi ataatsimi iluanaarutaasimasunit matussuserneqarsinnaanngippat.

Paasissutissanik nalunaarutiginninneq

§ 4. § 3 apeqqutaatinnagu pissarsiat soraarnerussutisiaqalernissamut aningaasaatit ilaannit pissarsiat akileraaruserneqartarnerat pillugu Inatsisartut inatsisaanni § 3 malillugu naatsorsorneqarsinnaapput. § 3 malillugu imaluunniit Soraarnerussutisiaqalernissamut aningaasaatit ilaannit pissarsiat akileraaruserneqartarnerat pillugu Inatsisartut inatsisaat § 3 malillugu pissarsiat naatsorsorneqarnissaannik toqqaaneq, ukiumi isertitaqarfusumi tullermi allanngortinneqarsinnaanani pisussaaffiliivoq. Ukiumi isertitaqarfusumi akileraartussaataitaanerup atuutilerfiani imaluunniit atorunnaarfiani, ukioq isertitaqarfusooq qaammatisiutit malillugit ukiumi akileraartussaataitaaffiusumi ilaavoq.

Imm. 2. Aaqqissuussami pissarsiat amigartoorutaasut ukiumi isertitaqarfusumi pineqartumi aammalu ukiuni isertitaqarfusuni 10-ini tullerni aaqqissuussami ataatsimi pissarsiani sinneqartoorutaasuni taamaallaat ilanngaatineqarsinnaapput. Pissarsiat amigartoorutaasut, ukiuni isertitaqarfusumi siusinnerusumiittumi pissarsiani sinneqartoorutaasuniitinneqarsinnaanngippata, aatsaat ukiumut isertitaqarfusumut kingusinnerusumiittumut ingerlatinneqarsinnaapput.

Oerelse nr 37 a Nammineerluni nalunaarusiaq

§ 5. Soraarnerussutisiaqarsinnaatitaasut § 1, imm. 1-imi 2-milu taaneqartut, ukiup anigaasarsiaqarfusup siuliani iluanaarutit § 3-mi taaneqartut pillugit akileraaruseriffimmut nammineerluni nalunaarusiaq atorlugu nalunaaruteqassapput kingusinnerpaamik ulloq:

- 1) 1. maaji tamanut, tassa normu 2-mi ilaatinneqanngitsunut,
- 2) 15. maaji namminersorlutik inuussutissarsiutinik ingerlatsisunut, tassa elektroniskiusumik

akileraaruserfiup innersuussinera malillugu nammineerluni nalunaarusiamik nassiussisartunut.

Akiliisitsiniut

§ 6. Akileraaruseriffik akileraarummit naatsorsorneqarsimasumit akiliisitsissaaq.

Imm. 2. Ukiup aningaasarsiaqarfusup siuliani iluanaarutinit akileraarutit akiligassanngortinneqassapput 1. septembari, kingusinnerpaamillu akiliiffissaq tassaassalluni 20. septembari.

Imm. 3. Soraarnerussutisiaqarsinnaatitaasut akileraarusernermmut akileraarummik akiliigallarsinnaapput. Akiliineq taama ittoq ukiup aningaasarsiaqar usup naareernerani pisinnaavoq, taamaattorli ukiumi aningaasarsianik akileraaruteqaataasussanik naatsorsuiffiusumi 1. maajip kingornatigut pisinnaanani.

Ukiumi aningaasarsiaqarfusumi akiliuteqarnermut tunngasumut akileraarutit kinguaattoorutaasimasinnaasut erniaat ilanngullugit, aningaasanit akiliutigineqartunit taakku ilanngaatineqqaassapput.

§ 7. (Atorunnaarsinneqarpoq)

§ 8. Inuunermik sillimmasiinernik aamma soraarnerussutisiassanut ileqqaarnissamut neqerooruteqartut, aningaasarsianit akileraarutit pillugit Inatsisartut inatsisaanni § 39 a, imm. 1-imi aamma 2-mi, § 39 c, imm. 1-imi aamma 2-mi, imaluunniit danskit soraarnerussutisianut akileraarusiisarnermut inatsisaanni § 53 A - mi, piumasaqaatinik naammassinnittut, akilerartaarnermut ingerlatsivimmumt makku pillugit paasissutissanik nalunaaruteqartarnissaannik Naalakkersuisut isumaqatigiissuteqarfigisinnaavaat:

- 1) kontumik piginnittut ataasiakkaat aqqi, najugaat aamma CPR normui,
- 2) ukiup aallartinnerani naanerani uningasuutit, aamma
- 3) ukiumi iluanaarutit, takuuk § 3.

Imm. 2. Inuunermik sillimmasiinernik aamma soraarnerussutisiassanut ileqqaarnissamut neqerooruteqartut, soraarnerussutisiaqarsinnaatitaasut sinnerlugit akileraarutinit naatsorsuineq, unerartitsineq aamma akiliineq, takukkit § 2, imm. 1 aamma 2, § 3, § 6 aamma aningaasarsianit akileraarutit pillugit inatsimmi § 46, imm. 1-2 aamma § 46 a, pillugit imm. 1-imi pineqartunut ilaasut Naalakkersuisut isumaqatigiissuteqarfigisinnaavaat.

Imm. 3. Paasissutissanik tunniussisarneq aamma akileraarutinit unerartitsisarneq akiliisarnerlu il.il. imm. 1-imi aamma 2-mi taaneqartut pillugit maleruagassanik erseqqinnerusunik Naalakkersuisut aalajangersaasinnaapput.

Pineqaatissiissutit

§ 9. § 1, imm. 1-imi aamma § 5-imi piaaraluneerluni mianersuaalliorujussuarluniluunniit unioqqutitsineq Kalaallit Nunaanni pinerluttulerinermik inatsimmi maleruagassat malillugit akiliisitsinermik pineqaatissiissutigineqarsinnaavoq

Imm. 2. Piaaraluni imaluunniit mianersuaalliorujussuarluni, isumaqatigiissuteqartup pisussaanerini § 8-imi taaneqartunik unioqqutitsineq, Kalaallit Nunaanni Pinerluttulerinermi inatsit naapertorlugu pineqaatissiinneqaataasinnaavoq.

Imm. 3. Inatsisartut inatsisaata matuma kingunerisaanik najoqqutassat saqqummiunneqartut malillugit Kalaallit Nunaanni Pinerluttulerinermi inatsit naapertorlugu akiligassiisoqarsinnaavoq.

Imm. 4. Inatsisartut inatsisaat imaluunniit najoqqutassat Inatsisartut inatsisaata matuma kingunerisaanik saqqummiunneqartut malillugit akileeqqusissummik aalajangersaanissamik tunngaveqartitsippata, akileeqqusissut Kalaallit Nunaanni Pinerluttulerinermi inatsimmi maleruaqqusat malillugit inatsisitigut pisinnaatitaasoq akileeqqusissummik pisussaaffilerneqarsinnaavoq.

Imm. 5. Pillaammik akiligassiissutit imm. 1-4 naapertorlugit aalajangerneqartut Nunatta Karsianut nakkartassapput.

§ 10. Akileraaruseriffik isumaqarpat unioqqutitsineq akiliisitaanermi sakkortunerusumik pineqaatissiissutigineqartariaqartoq, taava Naalakkersuisut imaluunniit Naalakkersuisut taamaaliornissamut piginnaatitaata pineqartoq nalunaarfigissavaa suliaasaq eqqartuussisutigoortitsinertaqaanngitsumik innerneqarsinnaasoq, pineqartup ilumut unioqqutitsisimanini nassuerutigippagu aammalu pifissaatitaasup erseqqinnerusumik aalajangikkap, qinnuteqarnikkut sivitsorneqarsinnaasup, qaangiutinnginnerani akiliutissamik nalunaarummi taaneqartumik akiliiumappat.

Imm. 2. Paasisitsissummut imm. 1-imi taaneqartumut tunngatillugu Kalaallit Nunaanni eqqartuussisarnermi inatsimmi maleruaqqusat unnerluussutip imarisai pillugit taamaallutik atuutissapput.

Atuutilerfia

§ 11. Inatsisartut inatsisissaat ulloq 1. januar 2018-imi atuutilissaaq.^[1]

Inatsisartut inatsisaat nr. 25, 28. novemberi 2018-meersoq (Inatsisip atuuffianik annikillisitsineq)^[2]
atuutilernissaanut aalajangersakkamik matuminnga imaqarpoq:

§ 2

Inatsisartut inatsisaat 1. Juli 2018-imi atortuulissaaq.

Imm. 2. Inatsisartut inatsisaat ukiumit aningaasarsiorfusumit 2018-imiit atuutilissaaq.

Inatsisartut inatsisaat nr. 13, 19. Novemberi 2020-meersoq (Atuuffissaasa annikillisinneqarnerat)^[3]
atuutilernissaanut aalajangersakkamik matuminnga imaqarpoq:

§ 2

Inatsisartut inatsisaat ulloq 1. Januar 2021 atuutilerpoq aammalu ukioq isertitaqarfusoq 2021 aallarnerfigalugu atuulluni.

Aningaasaqarnermut Naalakkersuisoqarfik, ulloq 1. September 2026.

Nikolai S. Christensen (atsior.)
Naalakkersuisoqarfimmi pisortaq

/Per Nielsen (atsior.)

[\[1\]](#) *Inatsisartut 2017-imi ukiakkut ataatsimiinneranni (UKA2017/89) Inatsisartut Pigisanit pissarsiat ilaasa akileraaruserneqartarnerat pillugu Inatsisartut inatsisaat nr. 37, 23. November 2017-imeersoq akueraat.

Inatsisartut inatsimmi atuutilernerata kingorna paasineqarpoq, inatsit atuutilerfimmi ullui inatsit atuutilernissaannut aalajangersagaani, oqaaseqaataani aamma soorlu qallunaatuani kalaallisuanilu assigiinngissutitaqartoq. Inatsit qallunaatuani atuutilerfissaq 1. Januar 2018-iuvoq, oqaaseqaataanili 1. Januar 2019-iulluni, tamannalu eqqunngilaq.

Aningaasaqarnermut Akileraartarnermullu Ataatsimiititaliaq aalajangiineq nr. 01.31.06/17 – 0078 aqqutigalugu ataatsimiinnermiinnermi ulloq 27. december 2017 ingerlanneqartumi aammalu aalajangiineq nr. 01.31.06/18-00792 aqqutigalugu ataatsimiiinnermi ulloq 7. februar 2018 ingerlanneqartumi Aningaasaqarnermut Inatsisini ukioq 2017-imut kiisalu 2018-imut oqaasertaliussat akuersissutigaat tulliuttunik imaqartunik:

"Pigisanit pissarsiat ilaasa akileraaruserneqartarnerat pillugu Inatsisartut Inatsisaat nr. 37, 23. november 2017-imeersoq atuutilersinneqassaaq ulloq 1. januar 2018.

Oqaasertaliussat llasutitut aningaasaliissutinut inatsisissatut siunnersuusiani ukioq 2017-imoortuni aammalu 2018-imoortuni ilanngunneqassapput

[\[2\]](#) Inatsimmut allannguut § 1, imm. 1, § 3 kingorna qulequtaq, § 4, § 8, imm. 3, § 9, imm. 1, aamma § 11-mut tungassuteqarpoq.

[\[3\]](#) Inatsimmut allannguut § 1, imm. 1, § 7, aamma § 8-mut attuumassuteqarpoq.

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut